

So e deĵa thaj dada ŝaj ćeren te pindžaren ćhavorre thaj pes pale ŝaimaŝći hospitalizacija prdal epidemija COVID-19

Epidemija pe averćhande modusurja ćićidel familjako trajo. Sao nijam si te e ćhavorren trubun te informiŝinpe gajda te von godova haćaren thaj kaj si trubulimasko te adeshutno delpe lenđe zuraripe thaj loćaripe. Ćhavorrenđe trubul te motholpe vortope, gajda te haćaren so ćerelpe te ŝaj gatisarenpe pe averćhandimata saje aven. Kana o trajo avel biažućardo, e ćhavorrenđe trubul ažutipe te haćaren e averćhandimata.

Sargo deĵa thaj dada situmen orta:

- Te sa džikaj si epidemija aćhen tumare ćhavorreja ando tumaro ćherutnipe, jal te ketane aven hospitalizuime – kana godova ŝaj thaj gajda sar roden e medicinaće indikacije (kana si hospitalizacija trubulimaŝći tumende jal ćhavorreŝće);
- Te tumenđe trubul hospitalizacija tumaro ćhavorro trubul te avel majanglal ando pindžardo trujalipe (ando tumaro ćher, ke njamuja, amala thaj vg.) thaj te tumen sargo deĵ thaj dad aven angluno inkalipe informacijako pale godova so sa ŝaj te avel laće palo ćhavorro;
- Te džanen kaj si tumaro ćhavorro thaj sar si, te aven ando trubulimasko kontakto e ćhavorreja, thaj te tumen thaj ćhavorro theren inćaripe pale godova;
- Te situmen informacije pale sa e ortaće procedure save nakhavenpe te araćhelpe tumaro ćhavorro thaj lećće jal laće orturja;
- Te ande so majharni vrjama lundžaren te direktikane araćhen o ćhavorro.



Mothon čhavorrešće:

- Kaj tumen sen, sargo vi aver džene ande familija (vi mamija vi papurja), zurale thaj kaj lundžarena te ćeren sa te ačhen pajsarde thaj saste;
- Kaj tumen ćerdine sa te e čhavorra thaj ćherutne aven pajsardine kozom godova šaj;
- Kaj but manuša bućaren pe godova te epidemijako pharipe nakhavelpe;
- Kaj but manuša nasvaona thaj kaj varesave katar lende sastarenape ande sastarne ćhera;
- Kaj šaj te avel džike godova te vi tumen jal o čhavorro aven po sastaripe;
- Kaj tumen thaj manuša save godova trubun te ćeren ćerena sa so šaj:
 - te na ulaven tumen, numaj te ačhen ketane,
 - te o čhavorro avel po arakhadimasko than te naštik te ačhen ketane, andar godova kaj trubun te džan po sastaripe,
 - te so majsigo theren vjasta jekh pale avrende,
 - te so majsigo palem aven ketane.

Gatisaren tumen thaj čhavorre pale šaimašći hospitalizacija

- Paćaren trubulimašće šeja pale tumende thaj tumaro čhavorro. Paćaren e čhavorrešće udžilutne majkamlo ćhelimasko kotor jal šej, medicinaći dokumentacija, ramosardi terapija, fotografije katar e džene andar e familija thaj katar o ćherutno kamlorro. Na bistren te inđaren pherdimatarja pale elektronijaće kotora;
- Ćeren alavesko lil katar e manuša savende paćan (džene andar e majpašuni familija, najmuja, amala, perutne) save šaj te pajsaren griža jal varesavo ažutipe thaj inćaripe prdal šaimasko uladipe. Patrín trubul te inćarel e alava godole manušengo, ko si von tumende thaj čhavorrešće, đindurja katar e telefonurja, adrese, elektronijaće adrese, kontakturja pe amalipašće khuvdipa thaj aver kandavutne informacije;
- Ćeren svato e pire njamujenca, amalenca, perutnenca pale kova so si semno pale šaimašći hospitalizacija;
- Sa e kontakturja inćaren ando telefono, kompjuteri thaj ande lilešći verzija pale tumende thaj palo čhavorro, te kandaven o telefono jal kompjuteri;
- Ramosaren pe patrín e informacije pale draba save ramosarda o sastarno, medicinaće tretmanurja, alergije, kova so hal thaj sar ícardivpes tumaro čhavorro (majanglal sar adeshisarelpes thaj sar sovljarelpes). Pe godoja patrín trubul te avel vi vareso palo kontakto aver manušenca save pindžaren trubulimata thaj siklipa katar tumaro čhavorro (njamo, amal, sikavno, terapeuta, sastarno thaj vg.);
- Mućen te o čhavorro lel kotor ando gatisaripe thaj paćaripe;
- Ćeren svato čhavorreja pale šaimašće opcije;
- Informišin čhavorro kastar sa thaj sar šaj te rodel o ažutipe;
- Mothon čhavorrešće kaj siles orta te phućel, rodel ažutipe thaj te mothol so gindil thaj so si lešće semno sa e purane manušenđe save araćhen les jal la.